

Headline	200 peserta dijangka sertai MAPS 14		
MediaTitle	Utusan Malaysia		
Date	29 Sep 2016	Color	Full Color
Section	Dlm Negeri	Circulation	171,663
Page No	31	Readership	563,000
Language	Malay	ArticleSize	149 cm ²
Journalist	N/A	AdValue	RM 2,972
Frequency	Daily	PR Value	RM 8,916



200 peserta dijangka sertai MAPS-14

KUALA LUMPUR 28 Sept. - Kira-kira 200 peserta dijangka menyertai Seminar Tumbuhan Ubatan dan Beraroma ke-14 (MAPS-14) anjuran Institut Penyelidikan Perhutanan Malaysia (FRIM) pada 11 dan 12 Oktober ini.

Seminar selama dua hari dengan kerjasama Malaysian Bioeconomy Development Corporation Sdn. Bhd., itu akan berlangsung di bangunan Auditorium FRIM, bermula 8 pagi hingga 5.30 petang.

Pengarah Bahagian Hasil Semula Jadi, FRIM, Dr. Rasadah Mat Ali berkata, seminar yang julung kali diperkenalkan pada tahun 1994 itu bertujuan mengetengahkan dan berkongsi maklumat mengenai penemuan saintifik, teknologi serta aplikasi berkaitan hasil semula jadi,

tumbuhan ubatan dan beraroma dengan semua pihak berkepentingan dalam industri herba negara ini.

“Selaras dengan tema *Penawar daripada Alam Semula Jadi: Trend dan Perspektif Semasa* seminar ini juga merupakan platform terbaik untuk peserta berkongsi pengalaman mereka dalam usaha memajukan penyelidikan dan industri herba dan hasil semula jadi negara ini,” katanya kepada *Utusan Malaysia* di sini hari ini.

Mengulas lanjut, Rasadah berkata, seminar tersebut terdiri daripada dua sesi plenary dan lima sesi utama yang melibatkan kira-kira 22 pembentangan kertas kerja.

Beliau berkata, lima sesi utama itu memabitkan topik *Etnobotani, Agronomi dan Pemuliharaan; Penemuan Hasil Semula Jadi; Pemiawaian,*

Kawalan Kualiti dan Teknologi Pemprosesan; Pra-klinikal, Klinikal dan Pembangunan Produk serta Pemasaran, Perdagangan, Potensi Perniagaan dan Undang-Undang.

Katanya, seminar itu dijangka dirasmikan oleh Timbalan Menteri Sumber Asli dan Alam Sekitar, Datuk Ir. Hamim Samuri dan turut dihadiri oleh Ketua Pengarah Majlis Amanah Rakyat (Mara), Datuk Ibrahim Ahmad.

“Sebanyak 14 syarikat termasuk FRIM juga bakal menyertai pameran untuk tujuan pemasaran produk yang berkaitan bidang penyelidikan hasil semula jadi,” katanya.

Untuk maklumat lanjut, layari laman sesawang www.frim.gov.my atau menghubungi talian 03-62797359.



DR. RASADAH MAT ALI